

投充軍役收操敢有營求買閑者調衛充軍例  
成化十三年十二月十六日兵部尚書李 等

題為投充軍役事朕方清吏司等呈據錦衣衛經歷司  
手本蒙衛案令據鎮抚司并後千戶等所中依奉查  
勘得告人周安等委係本衛所官軍校尉力士將軍  
周廣等下第男子姪女婿外甥義男俱各在營隨住  
多餘空閑並无差占各有余舍二三丁不等听維不  
缺及勘得各告年老精壯於例相應役軍並不係順  
天府所屬人民亦不係各處逃來及遠年未歷不明  
項等人數相應投充軍役各具衛所司官吏旗隣人  
等并各官旗軍校尉力士將軍親供具結申繳到衛  
案令手本粘連到司及処南城等兵馬司手本查勘  
得告人在案等相應投充軍役取具官吏地方摠甲

隣佑人等不扶結狀粘繳前來查得成化元年十二月十七日本部官於

奉天門前該奉

聖旨國家之務莫重於軍旅而居重馭輕軍旅元須充盛且京師四方輻輳之地中間豈无智謀壯之人若非召募安能自達恁兵部便出榜於京內外張貼凡官吏軍民人等男子姪并還俗僧道人等若有智謀壯勇膂力过人弓馬嫻閑膽氣自負情願與朝廷出力報効者許赴通政使司告送兵部行移該管衙門查勘的確來歷明白如果不係順天府所屬人民并上林苑監果海等戶及正軍正正并軍人戶內單丁所結之人及

長陵等衛舍余各衛軍匠戶內余丁及無另行規避

違碍者別立營分選委暗曉操兵老成的當官員管

領操練遇警固遣有功一体陞賞願投軍者亦听其願編入京衛與軍一体食糧欽此欽遵該巡撫都

御史

奏稱永平薊州山海等衛軍人先年征遼

有功陞職調衛等項遣住第男義男女婿在彼居住年久迷失鄉貫有軍戶人丁教多空閑情願各投軍役及恐各處衛所以此空閑相應投充軍校者多如

蒙乞

勅該部計議行移各處許令各衛所收後則軍伍不致埋沒而地方得軍備用本部議擬具題成化四年八月十一日本部官奉

聖旨准擬欽此欽遵該監察御史王衡奏稱各處衛所軍人陞職調衛等項遺下第姪義男女婿及迷失鄉



實人等合无通行天下軍衛有司照例召募若有前  
項之人寄住在軍或在民或籍冊不載家无安頓身  
无下落情願於附近衛分投軍者里隣保勘无碍姓  
令着後本部查照右僉都御史閻本奏行前例於成  
化十二年五月初一日具題次日奉

聖旨准擬欽此欽遵近准都察院咨為除奸事准

御馬監太監汪直題回方巡軍逃民若有貧難不能還  
鄉者憑歇家審究來歷暫收在官行查原籍回報无  
碍者縮駐京衛充軍食粮本院議得止終本身以復  
免其勾補子孫願繼者听若有違碍者送官究問等  
因成化十三年十一月二十二日本院官具題次日  
奉

聖旨是欽此欽遵及查通政使司連狀送周安等告係前

項衛所司官旗軍役尉力士舍余等項第男子姪人  
等情願照例投充軍役各告送司已經節行各該衛  
門查勘去後今該前因案呈到部臣等看得前項投  
軍諸色人等依親住坐息信相繼已久若本係此衛  
人又編使衛營軍征操不無難於顧盼人情不便恐  
塞將來召募之踏合无俯順其情如係錦衣衛仍編  
錦衣衛軍係旗手衛勘報仍編旗手衛軍其余類推  
收編中間兵馬司勘報并迷失鄉貫者方纔查編五  
軍府所屬衛以後投充勘報者俱照此例施行各與  
本衛軍人一例食粮前項收編軍人專令於神机三  
千五軍大營選委的當官員另操果要送補團營之  
數亦听其便敢有營求買閑阻壞軍政者係親軍衛  
所開調外衛其金開遠衛照舊充軍緣係處置投充